

Angelina

Farewell Angelina
The sky is erupting
I must go where it's quiet
— Bob Dylan

Engel un Fru Angelina
Harrst ehr meist vergeten, un denn
Wesselt de Heven de Farv.
Flücht in den Wohld
Nu de Himmel in Flammen steiht

Hack di en Lock in de Esch
En Specht
Dien Hamern verraadt di.
Verkrup di ünner dat Feek
En Eemk
De Spieren bevert.
Klatter an'n Stamm in de Hööch
Katteker
Keen Help un keen Utflucht.

Angelina Engel un Fru
Stief steiht se daar sünner Leven un Blick
As dat Farwell ehr drapen harr
Daar blifft ehr Gesicht
Wasch di de Hannen in Flammen
Dörsichtig klaar un doch sünner Utflucht
De Heven kümmt up di dal
Un se sackt tosamen.

Luut bevert dat Woort dat ik seggt harr
Farwell
Wo blifft dat Swiegen nu af
Boomstill mutt dat wesen
Dat ik to Rand daarmit kaam

Dat is een van de Hypotheken wo du mit leven mußt
See een de mien Fründ weer
Ok ünner de Eer nu, daar hett he good raden
Für op dien Scheed Angelina
Op dien Haar op dien Oog dien Gesicht
Für in mien Hart Angelina
De Hänn de mi heelt harrn verglöst un verbrennt
Engel un Fru
Für in dien Spoor Angelina
As ik achter di antapp Tweedüster un Nacht
Un kann keen Morgen mehr warn.

Wi bleibt alleen de een as de anner
Wat us tohoop smeten harr drifft us nu ut'neen
Elkeen in sien Schell van iesige Flamm'
Un daar is keen Tiet.

Herr help us all Vertruen un Leevede to finnen
Mang Roofdeert un Folter
En licht un en warm Farwell.